


ALVARELLOS EDITORA PRESENTA EN VIGO O LIBRO CLANDESTINO DA GUERRA CIVIL EN GALICIA



Henrique Alvarellos e o profesor Xesús Alonso Montero na Casa del Libro de Vigo o 3/2/06

- Unha obra rescatada por vez primeira en castelán dende a súa aparición no exilio (París e Bos Aires) en 1938
- *Galicia bajo la bota de Franco* é a crónica da represión do 36 centrada nas comarcas de Vigo e A Coruña.
- O historiador Carlos Fernández asina o limiar e notas á presente edición e cita a Manuel Domínguez Benavides como un dos autores da parte do libro dedicada a Vigo
- O escritor e historiador Xesús Alonso Montero, que preside a asociación Foro pola Memoria de Galicia, glosou na Casa del Libro este novo volume de Alvarellos.



Vigo, venres 3 de febreiro de 2006.- Alvarellos Editora presentou na Casa del Libro de Vigo o volume *Galicia bajo la bota de Franco* (*La edición clandestina de 1938*), nun acto no que participou o prestixioso profesor, escritor, historiador e ensaísta vigués Xesús Alonso Montero, quen preside actualmente a asociación "Foro pola Memoria de Galicia". Alonso Montero estivo acompañado polo editor da obra, Henrique Alvarellos Casas, e no acto participaron tamén a Asociación pola Memoria do 36 de Vigo e Asociación viguesa de Amigos da República.

Galicia bajo la bota de Franco aparece por primeira vez en castelán dende a súa publicación, en 1938, en París e Bos Aires. Trátase dunha crúa reportaxe periodística de autores anónimos onde se describe, con feroz realismo, o día a día en Vigo, A Coruña, Pontevedra, Santiago, Nigrán, Tui... nas trácicas



xornadas que seguiron ao golpe de Estado do xeneral Franco de xullo de 1936. Nárranse centos de mortes, entre elas, as do alcalde vigués Emilio Martínez Garrido, a dos familiares de Castelao (os seus primos Losada Castelao), o médico Eugenio Arbones, Enrique Blein Budiño, Heraclio Botana, así como a de Camilo Díaz Baliño, Ánxel Casal, Alexandre Bóveda ou os acontecidos no coruñés Campo da Rata, entre outros centos de vítimas... Nárranse tamén polo miúdo os sucesos acontecidos no lazareto da illa de San Simón.



Edición francesa de 1938

ALVARELLOS EDITORA recupera unha obra tan dura nos seus contidos como fundamental para coñecer e reflexionar sobre a dimensión duns feitos que endexamais poden volver a repetirse.

Carlos Fernández Santander (A Coruña, 1944) é autor dunha das biografías máis completas sobre Franco e de máis de trinta libros sobre a Guerra Civil española e as catro décadas de dictadura que a seguiron. Fernández Santander cita, no prólogo a esta edición, a Luís Seoane e Manuel Domínguez Benavides como probables autores de *Galicia bajo la bota de Franco* “un libro – di– que tuvo en su momento una gran difusión, pues se publicó tanto en castellano como en francés, y por varias editoras”.

UNHA NARRACIÓN VIBRANTE, ÉPICA E DE DENUNCIA ANTE O MUNDO

Carlos Fernández define este libro como un *instant-book* da época, cun estilo “vibrante, ágil, combatiente, en ocasións épico, donde se cita sin ningún reparo nombres de vítimas e represores, con una narración clara e periodística e un propósito bien claro: denunciar al mundo lo que está ocurriendo en Galicia, donde sólo en cinco meses de 1936, de agosto a diciembre, unas dos mil personas fueron fusiladas, o asesinadas –que para el caso era lo mismo– sin más ‘delito’ que profesar unas ideas o ser autoridad, en mayor o menor grado, de un Gobierno que había ganado las últimas elecciones generales, en febrero de 1936, de forma democrática”.

ALVARELLOS: “HAI QUE CULTIVAR A MEMORIA, NON A VINGANZA”

Finalmente o editor, Henrique Alvarellos, resaltou que “hai que cultivar a memoria, non a vinganza. E xamais fomentar o esquecemento se antes non sabemos qué cousa hai que esquecer”, ao tempo que afirmou que “este libro acaba co falso mito de que, como en Galicia non houbo combate, non houbo guerra. Vaia se a houbo, unha represión sanguinaria. E a cidade de Vigo é unha proba manifesta disto, pois foi o lugar de Galicia con maior número de represaliados”. Finalmente Alvarellos lembrou que o 2006 foi declarado o Ano da Memoria Histórica en Galicia: “Sen este libro –dixo– non se pode escribir o primeiro dos capítulos desa recuperación histórica”.



FICHA TÉCNICA

• Nº páxinas: 281
• Lingua: castelán
• PVP: 15 €
• Medidas: 13,5 X 23
• Ano 1ª edición: 2005
• Ano 2ª edición en castelán: 2005
• ISBN: 84-89323-21-6
• Encadernación: tapa branda plastificada
• Material complementario: Limiar e edición anotada por Carlos Fernández Santander. Máis tres Apéndices: "Otros escenarios: Lalín, Lugo y Ourense", por Enrique Alvarellos Iglesias; "Falangistas coruñeses del año 38", por Carlos Fernández e Índice completo de nomes.

[MÁIS INFORMACIÓN EN WWW.ALVARELLOS.INFO]

